

BELIEVERS EASTERN CHURCH WORLD HEADQUARTERS

Office of the Metropolitan, St. Thomas Community, Kuttapuzha P. O., Thiruvalla - 689103 Kerala, India.

KELNGOICHINGPA LEKHATHOT

October/November 2024

Archbishop ho, Bishop ho, Priest ho, Deacon ho, Evangelist ho Order of Sisters ho chuleh muntina um Believers Eastern Church tahsan chate jouse nabon chauvin Apa, Acha chuleh Lhagaotheng min'in chibai leh phattheina kahinpeuve. Amen ✕

Christa jala kangailut ho,

Thilsem hon phatbih aneyin, hibang chun Houbung injong phatbih aneyin ahi. Anngol, golnop kut ho chuleh Ihagao lam thunnuna anngol taona chuleh thilpeh kiti jouse hi Christa dungsona hinthei nadinga eihatsah u ahi. Genesis 8:22 a kimubang in "*Leiset aumla sen muchi tu phat, chang at phat, gamdap phat gamsat phat, nipi lai le phalbi lai, sun laile jan beilou ding ahi*," ati. Hitobang phatbih ho leh thil kibol ho hi mihem te dinga pohgihsah hilouvin phattheina ahijon, tahnna leh hettohsahna lama eipui khang u leh eihat sah u ahijoi.

November (Phallha) hi Liturgical Year thah kipatna ahin, phatbih theng Christmas hunglhun ding phondohna phat ahi. Hiche phatbih hi phat chesa ho nungvet'a chuleh Ihagao lama thulhuhna thah semna dinga phat hoitah eipeu ahi. Bible sim thase, houin kai nomlou ahilouleh Ihagao lama thasetna a Ihalut nahi maihei ahi. Hijongle athah beh'in houin kai (Divine Liturgy), Pakai Antheng jona, chuleh insung maicham ho poncho tah leh lunglut tah a pan thah lah ngai ahi. Church ministries a kiha tuhlut ding, Pathien in eipeh u boltheina ho mangcha a Houbung sahdoh ding chuleh Pathien mingailutna midang hojong hetsah ding ahi.

Nu leh pate ho, nachate hou Church Calendar juicheh ding in hil-un. Amaho Ihagao lama kibulphu nachu insunga kipan ahi—hichechu chate kibulphuna (foundation) ahi; chaten aneova pat taona, anngol, thilpeh chuleh tahnna hinkho kiti ho ajil diu hi poimo tah ahi. Khanglai/khangdong ho, kaseipeh nahiuve Mitheng (Solchah) Paul thusesi hi kimelchih-un: "***Nakum Ihom nachapan chu koi-ma nahsah mon umsa hih-in; ahin nangma thu lamin, nunchan khan chanin, ngailutna-in tahnin, chuleh thenna lamin atahsan ho vetsui dingin umin***" (1 Timothy 4:12).

Christa Houbung mite kumthah lhathah ilut utoh kilhon'in, hiche phat hohi phat leh nikho melchihna maimaiya gel louvin, eih dinga athah beh'a kilhan thengna phat lemchang joh a ilah u ngai ahi. Eih thulhuhna hohi taha lam mihem thanei naleh kisonna bou hilouva, Pathien thahat leh hepina joh a jungkho ahingaiyin ahi. Eihon, lungkhat tah a hiche phatbih hohi kipah thanom leh, kineosah, lungheina lama ikhantoupiua Christa tibah khat ihinau hi ichepiu ngai ahi.

Mitheng Paul in asei "... *chule mitheng te jouse toh ajaope leh asaoje asanje, athuhje, nahetton theina dinguva, hetphah hoi hilou Christa ngailutna chu nahet theiyuva, Pathien chamkimna jousea nangho nachamkim theina dingu ahi kati*" (Ephesus 3:17-19). Chemasa mitheng ho leh Mitheng

Mary taona peh jal'in ihinkhou, Houbung sung leh vannoiyah atepi beihel Pathien Thahatna tu leh atonsot in umjing tahan. Amen ✕

Christa jal'a napau,
Moran Mor Samuel Theophilus
Metropolitan

Date: 25 October 2024

Place: World Church Headquarters

P.S: Please make sure this is translated into all regional languages and read in all parishes for the encouragement of the faithful.